



SIPA izuzela dokumentaciju u sklopu Zadruga II

Aktivnosti su realizovane po naredbi Kantonalnog suda u Sarajevu zbog sumnje u organizovani kriminal i pranje više od 380.000 maraka

Iz Državne agencije za istrage i zaštitu (SIPA) jučer su saopštili da su njeni policijski službenici još u srijedu, 13. juna, u okviru predmeta kodnog naziva Zadruga II, privremeno oduzeli predmete, poslovnu i knjigovodstvenu dokumentaciju od jednog fizičkog i jednog pravnog lica na području Sarajeva.

“Pomenute aktivnosti su realizovane na osnovu naredbe Kantonalnog suda Sarajeva zbog sumnje u izvršenje krivičnih djela organizovani kriminal iz člana 342. stava (3) Krivičnog zakona Federacije BiH, a u vezi sa zloupotrebom položaja i pranjem novca, u iznosu većem od 380.000 KM. Istog dana je nad dva



odgovornalica u pravnom licu izvršena kriminalistička obrada u službenim prostorijama SIPA”, kažu iz Agencije.

Podsjećamo, krajem maja je Kantonalni sud u Sarajevu odredio jednomjesečni pritvor uhapšenima u akciji Zadruga II: Nadini Aljović Kujović, vlasnici Agencije za posredovanje u zapošljavanju Witram, njenom partneru Vedadu Čaji, te njihovom posredniku. I u ovom slučaju modus operandi je isti kao u akciji Zadruga, a uhapšeni se terete da su sklapanjem fiktivnih ugovora, preko agencije Witram, oprali više od 1,5 miliona maraka. Tužilaštvo KS-a nastavlja rad na ovom predmetu. **J. M.**